



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove

Broj:04-02-1-1413-5/14

Datum:22.09.2014.godine

IZVJEŠTAJ

sa javne rasprave o izmjenama Odluke o organizaciji i sigurnosti saobraćaja na cestama

Na 22. sjednici Općinskog vijeća Tešanj, održanoj dana 31.07.2014. godine, prihvaćen je Nacrt Odluke o organizaciji i sigurnosti saobraćaja na cestama i upućen na javnu raspravu, koja je bila otvorena od 20.08. do 19.09.2014. godine.

Poziv na javnu raspravu upućen je građanima putem sredstava javnog informisanja, te objavom na web stranici i isticanjem u šalter sali Općine i uredima u Jelahu i Tešanjci.

Usmeni dio javne rasprave održan je 16.09.2014. godine. Na usmenom dijelu javne rasprave učestvovalo je 8 lica, predstavnika MZ-a i građana, koji su iznijeli svoje stavove i prijedloge.

U periodu provođenja javne rasprave u pismenom obliku je dostavljeno 6 primjedbi i prijedloga vezano za Nacrt Odluke, a radi se o sljedećim:

1. VEMAL Tešanj
2. MZ Jelah
3. Služba za katastar, urbanizam i imovinsko-pravne odnose Općine Tešanj
4. Školski Odbor Gimnazije "Musa Ćazim Ćatić" Tešanj
5. MZ Tešanj
6. Mehinagić Enver

PREGLED PRIMJEDBI I PRIJEDLOGA:

1. VEMAL Tešanj. Traženo je da se parking prostor između ulica "9. septembar" i "Alipaše Hećimovića" (kod samoposluge AS) izuzme iz Odluke, shodno projektu revizije plana revitalizacije i regeneracije stare čaršije integralnog dijela starog grada Tešanj sa proširenjem granica stare historijske jezgre planirana je izgradnja objekta "L" osnove.
ODGOVOR: Neovisno od toga što nisu riješeni imovinsko-pravni odnosi ovaj prijedlog/primjedba nije prihvatljiv zbog velikog nedostatka parking prostora te će se navedena površina koristiti kao parking prostor sve do privođenja površine krajnjoj namjeni. Odlukom o organizaciji i sigurnosti saobraćaja na cestama (član 32.) definisani su poslovi upravljanja i održavanja parkirališta.
2. MZ Jelah. Predlažu da se navedeni Nacrt Odluke još ne usvaja dok se ne iznađu adekvatna rješenja za parking prostore u Jelahu, da se Odlukom navedeni parking prostori usvoje s tim da predlažu dodatni parking prostor ispred starog objekta Vemala u Titovoj ulici.
ODGOVOR: Obzirom da je i nakon javne rasprave ostavljeno dovoljno vremena nema potrebe za daljnim prolongiranjem Odluke, a novi prijedlog parking prostora će biti uzet u razmatranje.
3. Služba za katastar, urbanizam i imovinsko-pravne poslove Općine Tešanj. Dostavili su primjedbe za: parking prostor između ulica "9.septembar" i "Alipaše Hećimovića", parking u Titovoj ulici, parking u

Tabačkoj ulici, parking u ulici "Adema Handžića" i "Nisima Albaharija" jer nisu u skladu sa Projektom revizije plana revitalizacije i regeneracije stare čaršije i sa proširenjima granica stare historijske jezgre; Parking prostor zgrade "Stare Gimnazije" jer se planira zona školstva; parking prostore ispred Doma kulture Jelah i ispred mjesnog ureda Jelah jer se nalaze u obuhvatu Izmjene regulacionog plana "Centar" Jelah.

ODGOVOR: Sve parking lokacije obuhvaćene planom revitalizacije i regeneracije, izmjenama regulacionog plana i drugim planovima, biće u funkciji parkirališta sve do privođenja površina krajnjoj namjeni.

4. Školski Odbor Gimnazije "Musa Ćazim Ćatić" Tešanj. Nisu saglasni da se na "Gimnazijalskom" formira parking prostor jer je u planu izgradnja nove zgrade Gimnazije, a ove godine je planirano da se nastava tjelesnog i zdravstvenog odgoja odvija na poligonu.

ODGOVOR: Zbog velikog nedostatka parking prostora navedena lokacija će biti u funkciji parkirališta sve do privođenja iste krajnjoj namjeni. Poslovi upravljanja i održavanja parkirališta definisani su Odlukom o organizaciji i sigurnosti saobraćaja na cestama (član 32.)

5. MZ Tešanj. Traže da se MZ Tešanj daju na upravljanje svi parkinzi na njenom području, ili da se dio sredstava koji je ostvaren naplatom na parkinzima u Tešnju ustupi MZ Tešanj, da se iz Nacrta Odluke o izmjenama Odluke o organizaciji i sigurnosti saobraćaja na cestama izuzme parking u Tabačkoj ulici (srednji sokak), da se za stanare u ulicama u kojima će se vršiti naplata parkinga obezbijedi besplatno parkiranje ili uz neku minimalnu godišnju naknadu, da se stanari u Titovoj ulici i stanari koje vežu sa Titovom izuzmu iz zabrane zaustavljanja vozila utorkom i petkom, odnosno pijačnim danima.

ODGOVOR: Poslovi upravljanja i održavanja parkirališta definisani su Odlukom o organizaciji i sigurnosti saobraćaja na cestama (član 32.). Zbog velikog nedostatka parking mjesta, parking u Tabačkoj ostaje u funkciji istog, javnim pozivom će se riješiti povlaštene karte za stanare koji parkiraju svoja vozila na parkiralištima na kojima se vrši naplata, a nemaju drugog prostora za parkiranje. Odlukom o organizaciji i sigurnosti saobraćaja na cestama (član 13.) regulisana je zabrana uz Titovu ulicu, a prijedlog će se razmatrati novim planom parkiranja u Titovoj kroz javni poziv.

6. Mehinagić Enver. Traži da se napravi pješačka staza u ulici Dr.Adema Handžića te da se zabrani parkiranje u navedenoj ulici.

ODGOVOR: Zbog velikog nedostatka parking prostora navedena lokacija će biti u funkciji parkirališta sve do privođenja iste krajnjoj namjeni.

POMOĆNIK OPĆINSKOG NAČELNIKA

Hamzalija Hojkurić,dipl.ecc.